


津田文庫
文庫 1
1759
10





隸續卷第五

碑圖上



つた文庫




隸續

卷第五

右樊敏碑兩獸蟠其上就為圭首若今所謂鼎鬲者
其一有鱗猶龍然篆額兩行偏其右文在穿下凡十
八行行三十九字空一行刻亂曰二行又空一行低
十三字刻歲月及書造人姓名其云石工劉盛息慄
書者劉刻其石而廠子落筆也陳球碑陰書其二故
吏之子亦曰息漢刻惟此碑及武斑與羊竇道碑有
書人姓名宣和殿藏碑錄以楊廠碑為崑漢彊書考
其碑云五官掾南鄭趙邵屬褒中崑漢彊書佐西成
王戒主蓋三人主其事書佐則王戒之職非漢彊書
之也歐陽叔弼以袁逢華廟碑為郭香察書考其碑

云勅都水掾杜遷市石遣書佐郭香察書蓋一人市
其石一人察其書非郭君書之也張稚圭據圖經以
孔廟卒史碑為鍾繇書按此碑以永興元年立繇以
魏太和四年卒相去亦七十餘年謂之繇書者非也
天下碑錄以周公禮殿記為鍾會書按此碑以初平
五年立魏書云會以正始中為尚書郎注謂之弱冠
登朝蓋已在初平四十年之後矣謂之會所書者非
也北史江式云魏邯鄲淳以書教皇子建三字石經
於漢碑西按此碑以正始三年立漢書云元嘉元年
度尚命邯鄲淳作曹娥碑時淳已弱冠自元嘉至正

始亦九十餘年式以三字為魏碑則是謂之邯鄲所
 書則非也其它雜書指劉熊王建詩老子周越法書苑范武
 李嗣真州輔帖夏承臨汝帖魯峻譙敏錄等碑皆云
 蔡中郎所書或字體之不類或時代之遠絕蓋不辨
 而自決至若魏受禪勸進碑或以為鍾繇或以為梁
 鵠凡非出於本碑者皆不足信也




右柳敏碑十四行行二十六字凡碑廣一尺則此為
 一寸其崇亦如之朱財為首龜蛇為趺

隸讀

卷第五

三




右柳敏碑陰其上刻一禽若鳳其下則麟也中有牛首銜環兩旁凡六玉其右則瑁圭璧其左則琮璋黃





右益州大守無名碑上下有朱爵元武左右有龍虎文七行行四十一字故吏門生題名九行行六人

右益州大守碑陰所刻者五玉而三獸鼎列其中其一則九尾狐也下有一牛首其右有題名三人




右六玉碑其上有鳥三足狐九尾其下則二驢有一人跨其右者最下一牛首蜀人謂之雙排六玉碑







右一碑與六玉同一石在馮緄墓道中蜀人謂之六物碑其上朱爵而下元武其中沒字非漫滅也




右單排六玉碑上下有朱鳥元武蜀人既以前碑為雙排而謂此為單排恐亦是馮緄墓道中物也



右金廣延母徐氏碑上若有額已漫滅而石紋尚存
兩旁有龍虎其辭十八行行三十五字




右廣漢屬國造橋碑有二人坐於上若賓主之容蓋
 辛李二君也中有一器其後各有使令者一人上有
 題字已磨滅所餘府卿明府四字畫像之下橫刻二
 君官氏凡二十六字其下有文十七行行三十七字
 明君明府皆平闕我君高遷之句君字亦平闕其後
 有題名五行




右是邦雄桀碑其上刻麟其下則牛首碑十一行行
 二十六字有以兩字居一字地位者其後空三行許

右高頤碑兩螭蟠其首文在穿下凡十八行行二十
一字題額則繇字二行




右沒字碑是邦雄桀之陰也與馮緄墓道一碑相類
非磨滅者朱爵在其上龜蛇在其下






右費鳳碑篆額三行在穿之右其左有物如螭垂其
 首者二文九行行三十五字中分其石此銘居其半
 其餘則低三字載施業戚忠之事又七行行四十四
 字題名五行行二人碑陰二十二行行二十七字




右陳球碑篆額二行黑字圭首甚大一暈覆之其右復有二暈文在穿下凡十九行後有裂者石又下斷所存者行二十四字碑陰穿暈皆同縱橫亦有裂文前兩行書二人之事餘存二十行行二人復有一碑篆額二行穿暈略同文二十行行三十七字其下亦有斷者




右宗俱碑篆額二行有暈三重暈之左則穿之中也其右二重纔有其半文在暈下穿在文中凡三行各廢三字其文二十行行四十字




石王純碑篆額二行黑字當穿之中有小黑紋額之
兩旁為椎拓者所去其文十三行行三十五字




右孔彪碑篆額兩行額下有穿穿下有文兩旁有暈
起於圭首之半至篆文處則沒其文十八行後餘二
行行四十五字有欄界如弈棋之局




右趙圍令碑。額二行，暈三重，唯內一重自右達于左。漢碑圭首多若是，唯中穿相去有遠近不同者。文十三行，行十九字，末行空八字。書年月與下一字齊。




右淳于長碑。圭首之上有暈二重，自右周于左。其左復有一重篆額三行，黑字，其文十四行，行二十七字。




右婁先生碑篆額一行文在暈下穿在文中二行之
 內所廢者六字凡十三行行二十五字碑陰十五行
 行四人



右秦頡碑中有篆額兩行其暈兩重皆至額而止不
 相接文字多漫滅後有題名數行





右中部碑隸額一行偏其左額上有白暈一重其右
復有兩暈不匝字在暈下穿在字中所廢者三行各
四字



右義井碑圭首在右額之上有暈一重左有半暈者
四凡二十三行行三十七字碑陰重暈亦同每行五
人中無關空有名氏字多者則侵用下列題名之下
又有記事之辭


右孔謙碣甚小一穿微偏左有暈一重起於穿中復有兩暈在右其一甚短與它碑小異文八行行十字後餘兩行




右唐公房碑圭首偏右其內有暈一重又兩重在其左暈下脚去穿頗遠穿下即刻文所存者十一行行三十一字其後石已裂篆額二行碑陰一橫十五人



右郭輔碑篆額一行其圭首亦偏左方右暈三重左
 一重字接暈下凡十一行行三十字穿在第一字之
 下銘後三行各廢三字自額之左皆文之餘






右李翁五瑞碑所圖者黃龍白鹿連理嘉禾有一人承甘露于喬木之下左方有題字二行

續第五卷十七



木連理

右山陽麟鳳瑞像右鳳而左麟其下各刻一贊其陰
又刻銘辭皆小篆兩旁有隸字其篆云永建元年季
秋七月饗時山陽大守河內孫君見碑不合禮掾夔
造新刻瑞像麟鳳其銘辭曰漢盛德中興即政二年
辛酉之薨首歷六十麟青龍起蟬媽三月季春爰易
立碑石順禮典文九九應度數萬世常存爾雅注單
闕音丹遏一音蟬媽永建二年歲在丁卯故此碑用
蟬媽字米元章畫史云此圖半篆半隸麟一角上高
如足翹如惡馬鳳冠高尾長甚可怪也以詩題之曰
非篆非科璞已凋形容振振與蕭蕭曾因忠厚方周



德坐想訐謨覽舜韶漢德已衰還應孽魯邦既弱不
為妖虛齋自是驚人玩不勝雄狐逐怒鷗漢碑有麟
鳳者不特此一碑元章特未之見耳

[Faint bleed-through text from the reverse side of the page]




右麒麟鳳皇碑各以二字題其上漢人所圖二瑞獨
此最為奇偉其一雜之故鄉書度中尋之未至




此是漢書其一體之好書也中尋之未至
古體總屬皇朝各以二字設其土莫入西圖二

又其土有類
古式古主
公給以
百餘





右大嚮記古文額一行額之兩旁有白紋貫于上下
外有暈兩重不過額其文十二行行十七字非全碑
也黃初三年及千秋萬代字平闕




右左右生題名碑額無字穿上有朱鳥其旁有龍虎
又其上有雙鳳翔舞之狀晉宋間所刻者歐公誤以
為漢碑錄釋已棄不收以其碑首刻畫清新故錄之







右沈府君二神道其上皆刻朱鳥其下則右刻元武左刻一獸之首若虎而角環在口已闕其爪據之



右劉寬神道二刻隸字各二行其上皆有螭左右相向其下有一獸之面兩旁頗不具或是打碑人所省





漢故先靈侍御史河內緄令君稚子闕



漢故兗州刺史雒陽令君稚子之闕

漢故兗州刺史雒陽令君稚子之闕

右王稚子二闕其右則騎而西者二人其左則乘車而東者二人挽之者橐佗也王君平生官簿互見於兩闕之上



右江原長碑其下一獸銜環其文三行以左為首似亦是墓闕也

右金恭闕上刻一禽三足次橫刻金君姓名次刻一

人執扇乘馬似是金君也旁有龍虎銜環其下斷裂



右金恭闕上刻一禽三足次橫刻金君姓名次刻一
人執扇乘馬似是金君也旁有龍虎銜環其下斷裂



漢故平其
令董君闕




隸續第五卷二十七

右不其令董君闕所畫者子孫展墓之狀有僕馬休
 于松菽之下所題八字其左復有四五小字不可辨
 碑錄所載童君雙石闕字此蓋其一也其一則云童
 恢琅邪人隸文董字十下著童碑錄及范史誤去其
 十張駒云嘗見不其令一碑數百言其字大小如防
 東尉司馬君碑亦多漫滅者當是彼一闕也

右韋氏神道其上重暈與埋銘同中刻此四字

右碑圖上卷中原漢碑有穿或有暈外無它飾圖
鳥獸龜蛇之形者惟益部有之荆兗間亦有刻人
物於丘墓之石壁者其畫瑞像則有孫李之碑




隸續卷第五



隸續卷第六

碑圖下





魯共公

曹子

齊桓公

管仲



而奔

夏禹

夏桀



丁蘭




陽素武



拱於東頭




并軻



吳王

侍郎
專諸



諫續第六卷三





大
三
日



續
第
六
卷
四



雜錄第六卷五





卷之七



衛將軍



李氏遺孤
忠孝李善




兒姊姑



朱明妻









蘇德例第六卷十二



豫備第六卷十三



右武梁祠堂畫記自伏戲至于夏桀齊公至于秦王
管仲至于李善及萊子母秋胡妻長婦兒後母子義
漿羊公之顛合七十六人其名氏磨滅與初無題識
者又八十六人得之括蒼梁季珩始予聞建康寓客
有此碑嘗託連帥方務德訪之未至而書已成方亦
刻之郡齋地遠歲久殆將亂真也

右碑圖下卷范史趙岐傳云岐自為壽藏圖季札
子產晏嬰紉向四像居賓位自畫其像居主位皆
為讚頌以獻帝建安六年卒家在荊州古郢城中
漢人圖畫於墟墓間見之史冊者如此水經所載

則有魯恭李剛碑碣所傳則有朱浮武梁此卷雖
具體而微可使家至而人皆見之畫繪之事莫古
於此也

魯恭即
魯峻



隸續卷第六

隸續卷第七

碑式

孔廟卒史孔龢碑無額凡十八行行四十字兩元嘉
三年及永興元年皆平闕司徒府司空府及讚曰亦
平闕第八行制曰可高出一字司徒司空公題名
在制可雒陽宮兩行之下與碑之下一字齊貼碑者
不曉古式多有翦去制字者亦有顛倒二相題名者
史晨饗孔廟碑無額凡十七行行三十六字兩尚書
字及朝廷並平闕時副言諸官府在尚書一行之下
隔三字昔在仲尼別作行

表逢脩華山廟碑篆額二行碑二十二行行三十七
字袁府君肅恭明神及京兆尹勅杜遷市石皆平闕
高祖大宗孝武仲宗並別行高出一字有紋如棋局
樊毅脩華廟碑無額凡十九行行三十五字高祖應
道出碑一字亦有棋局之紋

華山亭碑篆額二行碑十六行行三十一字西嶽至
尊平闕皇帝永思高出一字

北海相景君碑篆額二行碑十七行行二十三字穿
居其中在第八字之下其三行各廢兩字碑中屢稱
明府獨伏惟明府一句其明府字平闕亂曰亦平闕

山陽大守祝睦碑篆額二行額下有穿碑十二行行
三十字

祝睦頌篆額二行亦有穿其碑十五行行三十六字
伊余祝君一句祝君字平闕碑之有穿在廟則以繫
牲在穴則以下柩漢碑蓋多有之或為推拓者所省
爾眡其額之紙與碑不相屬者皆可疑也

揚震碑篆額二行黑字有穿碑十八行行二十八字
碑陰二十五行行九人穿在第二第三列之間凡複
姓者十二人惟公王子舉上官仲祖信成君嚴三川
宣闕四人各高出其列一字

楊統碑篆額二行有穿碑十四行行三十五字孝順
皇帝平闕穿在九十一行之上漢碑額惟暈式不
同或在其中或在其左右惟穿則無不居中者此碑
後有餘石打牌者去之非穿之偏也碑陰故吏十五
人作一橫行

楊著碑篆額二行黑字碑十三行行二十八字穿在
第二字之下第七八行各空三字不書碑陰前後闕
橫五列穿在第一橫之內凡空三人不書此碑複姓
者五人獨相里文調高出一字右三人沛君生亦出
一字楊氏四碑并陰皆作棋局之紋惟此碑微漫滅

繁陽令楊君碑篆額二行有穿碑十八行行二十字
碑陰二十二行每行六人第七列惟有一故民其中
書典作者姓字每列之下各虛一字有官氏字多者
則高出其上亦有下出者穿在第一第二列之間
樊安碑碑首穿暈與圍令同有額而無字若非漫滅
則是首行已有標題故不再書也其題一行文十一
行銘三行詔二行行三十五字詔之下空二字書年
月末剩一字其間年字垂筆甚長又侵兩字馮煥詔
亦同豈漢人書詔如是乎

王政碑隸額二行文十二行行三十字

鄭固碑篆額二行有穿文十五行行二十九字行間方若棋局

蔡湛碑隸額二行文十三行行三十四字空一行方刻銘凡五行聖朝明哲平闕又空一行低二十三字刻年月續書除并州事却與銘辭相接無空字

度尚碑篆額一行有穿文十五行空三行低十三字刻立碑年月其石下闕所存者行三十二字亦有弈局之紋

逢童子碑篆額一行有穿文十行字多少不等後空一行又低二十許字刻立石年月自文之上則碑漸

削其銳如錐然碑陰兩列在穿之下上一橫七人下一橫六人

朱龜碑篆額二行有穿文十七行行三十三字有棋局之紋

魏元丕碑篆額二行文十六行石已斷剥所存者行三十一字題名四行行四人直行者有線道

戚伯著碑隸額一行十九字有穿碑十二行行二十字文在穿下長其上者財數寸自穿之上兩旁浸削及其顛則銳甚碑之前五行叙其先世至稱伯著則別行

吳公碑隸額二行有穿穿在第八九行之中文十三
行行二十一字後餘數行

魯峻碑隸額兩行有穿文十七行行三十二字

郭仲奇碑篆額三行文十六行行三十五字篆用黑字

郭究碑篆額三行黑字碑十三行行三十九字銘辭

規步履方之上虛一字

老子銘篆額一行黑字文二十一行行四十一字皇

上字平闕

孫叔敖碑隸額二行文二十四行行三十七字最後

一行書年月高出一字穿在文中其三行各廢二字

碑陰二十三行行二十字相君有三嗣平闕穿居三
行之內亦各廢三字

韓勅前碑十三行行三十六字第八行皇戲統華昏

高出一字後有題名三行行三人碑陰十七行行三

人又有數人附其下參錯不齊

周公禮殿記六行行三十八字

侯成碑隸額十字一行有穿文十七行行三十字銘

後空五字書夫人卒與下一字齊

帝堯碑篆額二行黑字有穿有棋局紋碑十九行行

四十四字故濟陰太守平闕後空一行書歲月及將

作吏姓名
仲秋下旬碑有穿兩旁有大白紋如暈之狀碑十三
行行二十五字其上一半皆漫滅

曹騰碑篆額二行十四字其文無存者碑陰九行行
三十六字制曰平關皇太后及先帝高出一字碑後
尚存穿之半此文皆在穿右末行以穿廢第四第五
字

司農夫人碑題一行文八行行二十八字石尚餘其
半亦隱隱若有字

平都侯相蔣君碑篆額二行文十六行行四十字後

餘五行

張納碑無額有穿題一行文十七行行四十一字碑
陰有穿兩旁有暈前兩行題李元然存二人後十五
行行五人張榮一人名氏字多侵及下列末一行書
歲月及頌祝之語

清河相張君墓道十一字一行兩旁有白紋其碑長
八尺餘闊三尺餘此數字之下尚有三之二

謁者景君碑隸額一行有穿碑十六行行二十九字
皇帝賻高出三字

殺阬神碑篆額二行碑十二行每行二十七字末行

空九字有一人題名又空三字書年月後有題名七
行第一行書丞尉郡邑名氏下有三人題名餘者每
行八人又有十四人題名分列於正碑之下雖有弁
局之紋而題名行列甚欹斜碑陰二十八行行十三
人

劉寬碑篆額二行文十八行末行低數字書門生商
苞等姓名石裂其上所存者行三十三字第二第十
四行皆平闕而無文可考
任君殘碑陰八行行二十三字

楊厥碑高祖受命平闕命字垂筆甚長所侵兩字許

又空兩字方書其下一句文十七行其次序曰別行
後一行低二字書趙邵等三人姓名又書王府君分
遣官屬事凡三行末行低七字書魏伯玉徙官每行
三十字或有疎密不齊者

綏民校尉熊君碑篆額二十字作五行文十七行行
五十五字財及碑之半其後空數行書文春事又空
一行書杜暉事末行書年月及碑師姓名與杜春相
隔亦數行許銘之後追敘君号別作行
丁魴碑十行行三十字四邊有磨紋如江原長碑上
狹下闊如益州大守無名碑末行字頗多尚餘五字

書於碑之末又書歲月於首行之前
桐柏廟碑無額有穿文十三行行三十三字末有兩
行題侍祠官屬以春秋二字題於兩行之上春四人
秋五人中無空字

李翕西狹頌十九行行二十字末有一行書年月又
有小字題名二行低四字許

又郟閣頌隸額二行文十九行行二十七字太守漢
陽李翕平闕頌後又有詩並別行

校官碑隸額一行有穿碑十六行行二十七字溧陽
長潘君別作行後有題名三橫列上一列丞尉三行

下二列刻將作吏名各五行最後一行書歲月與上
一字齊

費汎碑篆額三行碑十行行三十字穿與額相直在
碑第八九十行之上其左蓋有餘石

苑鎮碑十五行行二十四字穿在第八九十行之間
第一字之下各廢兩字

周憬碑隸額二行文二十一行行四十三字後有餘
石碑陰上一列二十三人下一列前空七行所題者
八人又空六行刻工師姓名

何君閣道碑七行字數不等或六字或九字建武中

元平闕

羊竇道碑前有文六行空一行後有文九行崖石有裂路文避石裂故字數不等少者九字多者十五字最後一行刻書人姓字及月日

廣漢長王君碑其上畫方大書一表字其下六行各有界道每行二十四字末行低四字書立石人名內王君平闕

馮煥斷碑六行可見者或行有七字斷詔十八行可見者或行有九字末行年字垂筆多占一字

鄭子真殘券所存者二十四行可見者行或十二字

韓勅後碑文十六行字多少不等大率每行四十六七字第一行皇漢高出一字第二行孔聖平闕文之後題名三列每列三人韓府君之下附以宗戚二人碑側兩題名各四列其一則首列三行中有祥符年題字第二列其前廢三行後有四人第三列前闕一人後六人第四列四人空兩行書孔元閻其一則首列四行所書府君及劉翊各用兩行第二列五人空一行書石師姓名第三列七人第四列石尾一人其前有大和年張咸題字上數列則有唐大中及慶歷年兩人題字就刻於漢人之上

劉寬碑故吏所立者篆額二行有穿文二十行行三十七字天子閔悼高出一字穿在第九至十二凡四行之間中兩行廢三至六各四字餘兩行各廢第三字
禹廟宗季方題名兩橫列上一列二十一人下一列二十人題名之上有唐開元中龍門令所作頌張表碑篆額三行有穿文十六行行二十五字劉脩碑隸額二行文十三行行二十五字熹平米巫題字七行字大小疎密不等多者十六字少者九字

鉅鹿大守金君闕四旁皆刻磨紋

郭旻碑十篆五行題滿其額文十二行銘四行後有三行書重立碑之事行二十八字石已下斷有得之不全者

高彪碑隸額二行文十五行直有界道後一行書歲月及范府君立碑事行三十九字
馮緄碑篆額二行十字有穿在第五字之中文十四行行三十四字將軍體清守約平闕後空三行書威宗得謚之因

李翊碑十行行四十一字

李翊夫人碑有穿文十二行行三十六字歎曰別作行穿在最後三行

金恭斷碑有畫方之紋上亦有穿題一行文十行後餘三行所存者行十五字

中山相薛君成平侯劉君斷碑額四行凡二十四字碑二十行前兩行題二君官位所可見者行有八字嚴發殘碑十二行行十字

雍勸闕十大隸兩行其文一面五行一面三行行二十三字第七及第十五字下皆有橫畫第一重惟首行及第四第五行則七字餘皆虛其下一字

魏脩孔廟碑篆額二行有穿文二十三行行四十二字制詔皇上聖皇三行皆平闕

魏脩老子廟詔十六行行八字後兩行書年月下一段有唐人題字

魏大饗碑隸額二行有穿穿旁有刻螭之紋磨滅不全文十九行行三十字

魏公卿上尊號奏篆額二行文二十二行行四十九字先王及高陵兩武王三陛下皆平闕有弈局之紋

自陛下即位後十行刻于碑陰二陛下亦平闕篆額黑字魏受禪表篆額一行文二十二行行四十八字先皇

及陛下五皇帝皆平闕亦有非局紋篆額黑字
右碑式一卷漢人書碑有畫方井井若楊大尉者
有行間疎密不等若逢童子者有重文贅其旁若
景北海者有首行尚左若孔梁相者有尊敬君上
而文出其列若華嶽碑者辭或隔行事或空字大
率與名西強來法式不同予疇昔藏碑隨得隨翦
既成彙醇思欲存古人之制乃傾困倒廩參之以
假借得其全者則筆之雖然自我作古者滔滔皆
是吾恐後人用覆醬瓿也

隸續卷第七

隸續卷第八

碑圖中

畫象未錄


功曹史

門下督

下賦曹

曹史

右功曹史殘畫像為旁行者四第一行凡五車中車
 而坐者一人御者亦一人自第二車復有一人踵其
 後右執杖左執一物如扇之狀最後別有一人石闕
 不能盡見第二行導者二人左執管而吹之其右則
 石闕凡三車車後不復有人最後又一車纔見其馬
 之半第三行導者四人右持鏡左執管凡兩車最後
 又一車則見其人之半面第四行一人乘馬在前次
 二車其前車亦有一人隨其後最後又一車亦見其
 馬之半車各一馬有蓋左方通下三行為一可見者
 二大車後有二馬奴隸凡六人其前則闕矣



二大車第百二馬也凡六人其前田獵是
也之半車各一馬百蓋五衣凡十三計一四
二車其前車亦亦一人其前田獵是也又一車
又一車四馬其人之半而四計一人乘馬亦
之半第三行車亦四人次其後亦四車最
不給其前二行車亦一人乘馬亦四計其
野故時或以時或以之計其前亦一人
而坐者一人其前亦一人其前亦一人
次其後亦四行車亦四計一人乘馬亦

泰山為雍丘令

畫像未錄

音也人
車馬之入千六百六六八八四
車十三馬未亦一車不全

右雍邱令畫像所存者八車十三馬末有一車不全
見車上之人十有六馬上之人四奔走於車馬之前
者四人

畫像未錄

周公

成王

右成王周公畫像君臣侍御凡九在其後者一馬

右隸圖中卷其碑三皆東州漢人邱壟間所刻趙
氏跋北齊隴東王感孝頌云濟州平陰山頂有古
冢隧道尚存塞其後而空其前類杜預所見邢山
鄭大夫冢上有石室制作工巧其內鐫刻人物車
馬似是後漢時人所為水經謂之孝子堂隴東訪
之耆舊以為郭巨墓又跋唐趙冬曦祭仲山父文
云水經謂成陽有仲山父墓嘗得其石室畫像上
有八分書題云君為從事時以字畫及衣冠人物
驗之乃東漢時所為漢末仲氏為成陽大族後人

因仲氏所葬遂誤指為山父墓歷陽徐藏子禮謂
 予曰其季父兢政和年自濟陽代還所得漢世人
 物畫頗多則知充豫間冢中畫像殆不一姓此卷
 前一碑得之張安國參考米氏畫史疑是朱浮墓
 壁者後二碑得之朱希真家雖有車馬人物不可
 得而強名也圖於此俟多識者證之



隸續卷第八

隸續卷第九

闕

隸續

卷第九

Blank manuscript page with vertical columns.

隸續卷第十 闕

隸續

卷第十

Blank manuscript page with vertical columns.

隸續卷第十一

司空孔扶碑

武都太守耿勳碑

都鄉孝子嚴舉碑 并陰

南安長王君平鄉道碑

武都守李翕天井道碑

武都丞呂國已下題名

司隸校尉楊淮碑

膠東令王君廟門斷碑二

涪陵太守龐宏神道

司空孔扶碑

上闕子十九世之孫公始即位辟故襄上闕威卿為

亦曹屬東閣祭酒以尚上闕公拜上闕上疾病卒官有

子男二人上闕各闕致身晨以與君上闕建寧元年

三月十八日丙申晨從詠上闕四月十一日戊子到

官謁孔子冢下闕

上闕念歿親五内慘惻霰然隕涕闕故上闕令闕晨

追感亡父見遇立闕石上闕以示後昆魂而有神炤

其下闕

右漢故司空孔公之碑隸額闕里祖庭記孔林有

司空孔扶碑碑錄云司農孔峽碑在仙源縣墓前

建寧元年立農峽二字乃傳寫之訛其文上一半

皆已淪闕僅存其下九行多者十有四字碑云孔

子十九世孫則泰山都尉宙河東太守彪臨晉令

僖之從昆弟也順帝紀陽嘉二年六月太常魯國

孔扶為司空注云字仲淵次年十一月免詳此碑

之辭乃司空當國時辟史晨之父為士曹屬東閣

祭酒後三十有三年當靈帝建寧之元年晨自越

騎校尉拜魯相以三月丙申受命四月戊子到官

既謁先聖冢遂為司空公刻此碑其文云五内慘

謝續
卷第十一
惻霰然隕涕追感亡父見遇立石以示後昆蓋是
懷恩疇德之碑非表阡納壙之文也趙氏以為魯
相謁孔子冢文當是不見其額之故漢志公府官
屬自西曹已下凡十二曹不云有士曹有黃閣主
簿而無東閣祭酒亦闕文也

武都太守耿勲碑

漢武都太守右扶風茂陵耿君諱勲字伯瑋其先本
自鉅鹿故有令名為漢建功俾侯三國御守將帥爵
位相承且迄于君君敦詩說禮家仍典軍壓難和戎
武慮慷慨且得奉貢上計廷陳惠康安遏出謀上納

其謨拜郎上黨府丞掌令考績有成符英

關肱熹平

二年三月癸酉到官奉宣詔書哀閔垂恩猛不殘義

寬不宥姦喜不縱慝威不戮仁賞恭罰否畀與

關流

其於統

關

寵存贈亡篤出至也歲在癸丑厥運淫雨

傷害稼穡率土普議開倉振滄身冒炎赫火星出熱

至屬縣巡行窮匱陟降山台經營拔涉草止露宿扶

活

關

餐千有餘人出奉錢兩

關二

振衣賜給貧乏發

荒田耕種賦

關

寡獨王佳小男揚孝等三百餘戶減

省貪吏二百八十人勸勉超時百姓樂業者得終

其壽多者得且全育甘棠出蔭不是過矣又開故道

銅官鑄位錢器興利無極外羗且闕等怖威悔惡重
譯乞降脩治狹道分子効力字闕二如農得衆北出歡

心可謂印出若明神者已夫美政不紀人無述焉國
人命嘆刊勒斯石表示無窮其辭曰

泰華惟岳神曜吐精育茲令德既詰且明寔謂耿君
天貽顯榮司牧莅政布化惟成采嘉惟則穆如風清

勤卹民隱拯阮扶傾闕皇字闕二東撫西征赤子遺慈

呂浩呂生山靈挺寶闕字平愷悌父母民賴呂寧

熹平三年四月廿日壬戌西部道橋掾下辨李禛造

右武都太守扶風茂陵耿勲碑靈帝熹平三年造

在成州同谷縣載熹平癸丑淫雨害稼耿君開倉

振澹冒熱行縣經營扶活千有餘人出奉錢以給

衣賜發荒田以賦寡獨凡百有餘言又稱其鑄錢

器脩狹道之績蓋德政碑也造碑之人即李翁天

井碑中西部道橋掾李禛也壬子之夏李翁尚在

武都次年暮春耿君到郡似是繼翁者碑云其先

本自鉅鹿世有令名為漢建功俾侯三國卿守將

帥爵位相承按漢史雲臺功臣牟平侯耿純者鉅

鹿人其三弟亦同時封侯好時候耿弇者茂陵人

傳云其先武帝時以吏二千石自鉅鹿徙中興初

其父況封隃麋侯弟舒封牟平侯所謂俾侯三國者謂隃麋父子也耿氏自中興後迄建安之末大將軍二人將軍九人卿十三人列侯十九人中郎將軍二人將軍九人卿十三人列侯十九人中郎將護羌校尉及刺史二千石數十百人所謂爵位相承者也好時鴻烈與寇鄧齒其後有列傳者四人皆抱將帥之略著邊徼之勲碑謂武都敦詩閱禮家仍典軍壓難和戎武慮慷慨陳惠康安過之謀天子納而用之可謂能世其家者既貫茂陵則是隃麋之後裔也

碑以說為閱以拔為跋

都鄉孝子嚴舉碑

都鄉都里孝子嚴君父諱馬字子順結髮治身非義不行闕郡入州居闕二孝位至蕃車產生三女絕嗣無男憤然闕恐闕戶孤寒宗族闕二收集孤闕二以闕佗後禮為人後則為人子舉闕十九勤和顏闕以闕終制闕行闕切怛憤泣憔悴消躬闕亂闕不闕六闕母老闕三請然後為稽然後行闕一闕十闕字闕孝順行則閨門闕積行慎心德刑州里莫不稱闕歌闕二慈仁其闕三闕字闕前世官賢有秩長思哀大其義造闕八闕字闕善慕類君子之倫共立碑表勒石述嘆以章其芬

頌曰

闕四炎翟隆恭徂德配神廣波明察化及黔首

施不潤字關九慈順博愛九族和陸事繼若真行為表

式殊性爵異曾字關三克諧關勲無德不關勒石示後

後生惟則

亂曰休哉休哉字關二君字關三施字關二兆民勒石表義

字關三仁字關七鎮君明臣孝行著成兮立報德與煥

榮兮貫洞祇靈永關隻兮關示萬基關施關兮

延熹七年五月辛未朔十一日辛巳臨江長愷丞杜

謂都關言孝子嚴舉為父行喪服制踰禮追恩慕義

關表門閭有書賢明宰卿關應風生是以天關仁人

孝弟之至通洞神祇蓋淵關賞則庶民勸令關書到

字關二勉加勞來以究言如詔書

君教上關二字穎關秩巡書佐文翠

右都鄉孝子嚴舉碑崇七尺其二分之一下橫有裂

文近歲出梁山軍所傳者皆至裂文止石理皴剝

文意間斷不知其尚有關遺也予再得之始是全

碑嚴舉姓名甚分明其碑有文有頌又有亂曰十

六句蓋嚴舉之父仕至郡守三女無男以舉為後

舉能和顏奉親送終盡孝母氏年老事繼若真德

刑州里官表門閭弟子共為立碑又有數行載邑

官甄表之因顯稱其為父行喪服制踰禮延熹之

七年也

碑以蕃為蟠以陸為睦以基為菴

嚴舉碑陰

丞廣漢屬國王杜字文柜

右尉捷為南安周位字惠暎

都鄉有秩安漢趙宣字茂達

鹽官有秩安漢任闕字立中

向主吏諱旻字孝聖 趙主吏諱齊字伯盛

楊主吏諱衛字顯宗 楊督郎諱鎮字敬寶

文主吏諱湯字稚倉 楊侯諱龐字志高

楊主吏諱時字升臺 趙掾諱護字季文

弟子趙胡字彥栢 弟子楊詡字闕二

弟子楊桀字闕道 弟子楊習字闕料

弟子楊序字孟直 弟子文詩字憲伯

弟子屈壽字伯珍 弟子闕字闕漢王

弟子闕二 字升闕 弟子楊璧字彥玉

弟子杜雲字闕聲 弟子闕高字仲楚

弟子楊汎字闕賢 弟子襄闕字闕長

弟子闕鳳字闕鸞 弟子闕字闕高

弟子楊頌字闕仲 弟子楊顏字闕淵

弟子楊羽字闕二 弟子文安字闕二

弟子楊就字關二

弟子楊關字關二

弟子關熹字關高敬關賢梁宿寐不忘

故筆容丞關四字興達

右嚴舉碑陰贈此者初無主名因見其間有都鄉有秩姓字而嚴孝子碑中臨江丞名杜合二碑則短長闊狹相若橫有裂文亦相等始知是嚴舉碑陰丞尉之次都鄉鹽官二有秩次則主吏督郵八人書云向主吏諱某字某楊督郵諱某字某鼎其姓於吏職之上而以諱挈其名漢碑它無此式者下兩橫弟子二十三人末有華容丞名字主吏督

郵弟子不書鄉邑皆臨江人也臨江在漢屬巴郡

南安長王君平鄉道碑

維平鄉明高大道北與武陽西與蜀郡青衣越雋通

界關制由涪山上隨浴回田曲坳關危難難經隨關

險登高望天車馬不通關二不關虫關二周古古關三

磨民吏莫莫能自關二有關二黠關三崖易之遭

不進膳崖橫道臨大江關二危關四或墮不也陷

復為民害永元七年十月南安長右扶風關倉王

君關民興利除周遣掾何童史道興與有秩關道家

曰民力關崖平碓及泊潭山關格通達平直廣大

道關長及崎關灰賊盜區止車馬馳驅無所畏難商

市關四平關六百姓如願開關采石今關二刻石之

功恩及子孫去危就安萬世無患永永無窮關後曰

關八掾檇義尉曹史任政楊莫承汁祁王卿江元尉

絲竹楊卿掾楊弘主泊山史關易子關

永元八年四月十日兼戶曹掾何童史道興造書崖

陟朱仲王回左關大關二吳皆富昌關三明下立關四

字馴孝關四王前南長關方主

右南安長王君平鄉道碑今在嘉州夾江縣和帝

永元八年掾何童史道興所造歲遠日長字體失

真前書已不著錄以其永元碑也故復收之碑云

平鄉明高大道北與武陽西與蜀郡青衣越雋通

界由涪山上回曲危難登高望天車馬不通永元

六年南安長扶風王君遣掾何童史道興取崖通

道車馬驅馳無所畏難所平之碓即離碓也其間

有掾史橋義任政楊莫楊弘丞汁祁王卿尉絲竹

楊卿姓名應劭云小縣一丞一尉所謂命卿二人

此碑丞尉皆稱卿與應說合掾史稱名而丞尉不

名蓋書崖者尊之南安武陽皆捷為之邑蜀郡越

雋則其鄰郡捷為今嘉州也碑以汁祁為什

武都太守李翕天井道碑

蓋除患蠲難為惠鮮能行之斯道狹阻有坂危峻天井臨深之阨冬雪則凍渝夏雨滑汰頓躓傷害民苦拘駕推排之役勤勞無已過者鞞鞞為大憾太守漢陽阿陽李君履之若辟風雨西部道橋掾李禔關撰鎚西坂天井山止關人字入丈四尺堅無白潰安無傾覆四方賴之民悅無疆君德惠也刊勒紀述以示萬載建寧五年四月廿五日己酉訖成

右武都太守李翕天井道碑今在成州靈帝建寧五年造碑云斯道狹阻有阪危峻天井臨深冬雪

則凍夏雨滑澁過者戰戰以為大感李君履之若辟風雨西部道橋掾李禔撰鎚西坂安無傾覆四方賴之李君以建寧三年到部明年治西狹又明年治郿閣治天井可謂除患蠲難心乎惠民者碑以

疆為疆汰即汰字鞞即戰字白即陷字

武都丞呂國已下題名

丞右扶風陳倉呂國文寶

門下掾下辨李更字子行故從事

議曹掾下辨李旻字仲齊故從事

主簿下辨李遂字子華故從事

主簿上祿石祥字元祺

五官掾上祿張亢字惠祚故從事

功曹下拜姜納字元嗣故從事

尉曹史武都王尼字孔光

衡官有秩下拜李瑾字瑋甫

從史位下拜仇靖字漢德書文

下拜道長廣漢汁邠任詩字多起

下拜丞安定朝郎皇甫彦字子木

右武都丞呂國十二人題名在天井磨崖之後其

十仇靖字漢德書文者揮翰遺詞皆斯人也邠閣

題名云從史位字漢德為此頌中間姓名利闕得

此乃知前碑亦仇所作漢志武都郡七城一曰下

辨二曰武都道此有下辨道長任詩則漢志關一

道字

司隸校尉楊淮碑

故司隸校尉楊君廩諱淮字伯邳舉孝廉尚書侍郎

上蔡雒陽令將軍長史任城金城河東山陽大守御

史中丞闕為尚書尚書令司隸校尉將佐大匠河南

尹伯邳從弟諱彌字穎伯舉孝廉西鄉長伯母憂去

官復舉孝廉尚書侍郎遷注丞冀州刺史大醫令下

邳相元弟功德年盛當究三事不幸早隕國喪名臣
州里去覆二君清頌約身自守俱大司隸孟文之元
孫也
黃門同郡卞玉字子珪以熹平二年二月廿一日謁
謁過此追述勒銘故財表紀

右司隸校尉楊淮碑靈帝熹平二年同郡卞玉過
其墓為勒此銘叙淮及其弟彌前後歷官且稱其
功德年盛當究三事不幸早隕又云俱大司隸孟
文之元孫也紹興中此碑方出歐趙皆未見之碑
云楊君厥諱淮字伯邳蓋以厥字為語助大司隸

有石門碑亦云楊君厥字孟文今古皆以厥為孟
文之名得此始知其非凡稱元妃元子元兄元舅
之類皆以長言之二楊俱曰元孫猶元士然以元

為美稱也華陽志淮者渙之孫孟文名渙李固薦累世

忠直拜尚書陳蕃表為河東守遷尚書令奏治汝
南孫訓南陽曹麻潁川曹騰三郡守罪訓者梁冀
婦家子為司隸劾冀叔執金吾忠不朝正人尊憚
之

膠東令王君廟門斷碑二

自王氏之先出闕季下闕九世字闕二乃復聞聲下闕

衆勝邯鄲之圍強 下闕 其爵者曰侯曰王景武 下闕

溺而濡足至孝昭二季 下闕 夏甫舉孝廉武 闕 令 下闕

闕 噲字封恭博士徵陽 下闕 已後至王京師者五世

下闕 陽大守自高平就學 下闕 宗直道者率困而後

下闕 子勃海府丞次子尚書郎 下闕 茂舉孝廉為譙

令去官 下闕 仇牧之忿奮不顧難名 下闕 弱弟居荒

亂之中 闕 鯨 下闕 為郡功曹去官家拜 下闕 令 闕 所

宰蒞馳化如神 下闕 辰也季州有一黃初五 下闕

張氏附王先姑仰堂字 下闕

上闕 念鼎足爰建時雖 闕 五式不上 闕 魏后實天所

授地發毛 闕 三如舊 上闕 周服從此龍光文好姐豆

武侯鷹揚 上闕 十朱旗乃舉席卷三 闕 克成帝字 下

闕 路 闕 二逸民 闕 二逸民匪彫匪琢 闕 哲 闕 二有處

顯允君子或默或語 上闕 光隆前 闕 伊漢中葉皇極

不建 上闕 我 闕 漢 闕 聘 闕 車束帛有琰 上闕 庶績咸

喜咨俞陽 闕 維 上闕 亢 闕 允 闕 匪 闕 攸居 闕 二王所

上闕 空彝倫攸 闕 冲質 闕 衽炎 闕 中徽 上闕 人 闕 得

闕 六劉克 上闕 有馥其馨 闕 時 上闕 我宜 闕 帝庭內

管機密 闕 軌 闕 平出 上闕 赫如 闕 榮身歿名立永揚

德 闕 顯 上闕 用 闕 康將和 闕 門剖符 闕 景 上闕 來世

東賣 上闕 卷第二

饗

右漢故膠東令王君之廟門十隸字為額予新獲此全碑其中白紙相去數字許如石斷裂之狀上段十八行是叙事之文下段少一行是四字韻語判然非一碑必是二石毀闕好事者匣而一之藏碑之家隨行翦貼故文意錯亂不可曉解其所叙有兩人舉孝廉者有以博士召者有丞勃海者有為太守為尚書郎為譙令為郡功曹者其一人名字可辨曰噲字叔恭下云凡所宰莅馳化如神年四十一黃初中卒韻語有身歿名立及剖符字蓋

謂最後之人張氏祔於先姑疑其匹也勃海丞尚書郎則其子也所謂上世有邯鄲之功者秦之王翦也韻語初云關一魏后實天所授繼云文好俎豆武侯鷹揚關旗乃舉克成帝宇則其人仕於魏初也中云伊漢中葉皇極不建又云冲質關祚炎關中微又二伊牧之忿奮不顧難則是述其先世前朝之事也碑云葬于京師者五世所叙既非一人又載婦姑相祔而以廟門題其額必是昭穆宗兆者碑中雖有景武孝昭冲質之文却有魏后黃初之字而題額以漢者豈膠東是其祖廟沒於漢

代者乎

碑以喜為熹舊為奮
顧即顧字赫即赫字

涪陵太守龐宏神道

漢故涪陵太守昌陽龐宏神道

右涪陵太守龐宏神道兩行十二字今在資州漢

志巴郡有涪陵縣蜀人始置此郡此所謂漢乃劉

蜀之漢也字畫差有東都體則勝於鄧又諸碑



